

CODEX 75. olim signatus 3/23.

Foliorum 105, 278 : 165 mm., ternis columnis exaratus saeculo XIII. Codex omni ornatu caret, spatio initialium litterarum vacuo relicto.

S. Evangelii secundum Joannem cum glossâ ordinariâ Walafriidi et interlineari Anselmi Laudunensis.

Praemittuntur duo prologi: Hic est Johannes evangelista unus — doctrina servetur. P. L. 92, 633—636.

Omnibus divinae scripturae paginis evangelium — virginem virgini commendavit. P. L. 35, 1377—1380. et 114, 355—356.

CODEX 76. olim signatus 3/24.

Foliorum 124, 274 : 188 mm., ternis columnis exaratus saeculo XII. sub b. Frowin abbate, testibus his versiculis leoninis in fronte codicis:

Non rodant mures, non ausint tollere fures

Librum, qui domino datus est a patre Fr̄dino.

Prologi et argumenta ornantur initialibus litteris tum rubri tum caerulei tum viridis coloris; initia singulorum librorum eximiâ venustate, adhibitis variis coloribus decorata sunt figuris quibus XII minorum prophetarum suo quisque ordine repraesentatur. Caeterum codex parce rubricatus est.

Liber duodecim prophetarum cum glossâ ordinariâ et interlineari nec non variis prologis et argumentis.

CODEX 77. olim signatus 3/25.

Foliorum 110, 270 : 180 mm., triplici columnâ exaratus saeculo XII. Primum tantum folium rubricatum est et unicâ ampliori litterâ initiali decoratum. Post folium 50. sex folia, post 90. totus quaternio perierunt. (Luc. 9, 50. — 11. 7. et 19, 40. — 21. 25.)

S. Evangelium secundum Lucam cum glossâ ordinariâ et interlineari.
